

## **‘ O Falcione**

**‘O** Paese Mon Falcione pare fatto a faucià: faucea pe ‘o padrone e pe chi cantina fa.

**F**aucea into i mulini dei Trata e del Pascià pecchè tanti signurini issi sulì ànno mangià.

**E** non pensano a ‘o cafone che s’accire a faticà e l’arnese faucione mmano a isso c’adda sta.

**F**aucea’o panettiere, faucea ‘o vinnichiuovi, faucea ‘o caffettiere, faucea ‘o acciriuovi.

**S**enza spirito ‘e pietà stanno ncuollo ai zappaturi tutti quanti a faucià co li ricchi e coi signuri.

**N**on vi dico che fauciate sta menanno ron Cardillo co le soe prerecate con a facci de pipillo.

**N**o l’abbasta ‘a Santa Messa, no l’abbasta ‘o morticiello: va trovanono, in casa stessa, de sporpà lo cafonciello.

**V**a facenno sulo feste coi Cataldi e coi Lollari, pe se regne le canestre li Santie li panari.

**E**, a proposito di feste, puro ‘e fanno i commercianti, che co ‘e mano leste leste fanno ‘i sòrdi appresso ai Santi.

**E** coi sòrdi e ‘e lire fatte fanno tante cose belle: fanno sciarra (cani e gatti) po’ se mangiano ‘e vitelle.

**‘O** scarparo intanto nsuglia, seca seca o mastirascio e zi Pippo sempre intruglia co ‘o traino capovascio.

**E** che dire d’o pittore che pe vive pitta vutti, nnanzi ‘a casa ro ‘o Signore co ‘o falcione ncoppa a tutti?

**E** che dire d’o barbiere, che pe ‘e barbe perde ‘a vista e non sa chiu che mestiere adda mette rinto ‘a lista?

**Accussì** pe ‘o mpiegatuccio, accussì pe ‘o muratore, accussì pe ‘o cape ‘e ciuccio, accussì pe ‘o scopatore.

**Ma** è vita che po’ gghi? Sto falcione di chi è? Non lassa molo accussì, non lassa molo addò è!

**Z**appaturi scuscinati, sartuscielli e professuri, operai maltrattati non ce stamo spalle ai muri,

ma virimo ch’ima fa. Riuniti tutti quanti, sto falcione ima afferrà, co ‘o rispetto ‘e Cristo e Santi.

**M**amme e sante vecchierelle, qua nisciuno vò levà Pateterno e Maronnelle: qua ognuno po’ preà.

**E** preammo tutti quanti se levasse a schiavitù. E preamo Dio e Santi se levasse a servitù.

**S**to falcione mmano a nui, mmano a nui adda taglià. Adda mette ‘o fui, fui a chi ncòra vò scannà.

**Arsenio Baldassarre**